

K 3792  
1a

ლევან გარევაზილი

# ვეზეისტყაოსანი

სამხედრო ხელოვნების ისტორიის გასაღები



სახელმწიფო გამოცემლება

სამხედრო ხელოვნები

ტყილისი

1937

899.962.1(092 ჩეგლავა 1937)


ნიმუში გარსები გვირს

1937  
გვირს

# ვეზენტიანსანი

სამხედრო ხელოვნების  
ისტორიის მასალები.

SK 3792  
1/2



სახელმწიფო  
გამოცემა გვ. 1

თვი 1937  
— 1937

სახელმწიფო  
გვ. 1 გვ. 1

რედაქტორი — მ. გობრონიძე  
კორექტორი — ჩ. გაბესკირია  
გამომშვები — ალ. ჩხენავლი  
გად. წარმ. 15/V. ხელმ. დასაბ. 31/V 37 გ.  
წ. ზ. 5×8. ჭ. ზ. 72×105. ფ. რ. 2 ფ.  
შეკვ. № 698. მთ. № 60 380. ცირ. 3000

სახელგამის პოლიგრაფიკმბინატი, უორესის № 5

## „ვეზეისტყაოსნიდან“ ამოკრეფილი გასა- ლები სახელრო ხელოვნების ისტორიი. სათვის

თამამად შეიძლება ითქვას, რომ იშვიათია ისეთი დარგი ხელოვნებისა, რომელიც ისე შკაფიოდ გამოხატავდეს ისტორიული ხანის სოციალურ-ეკონომიურ ფორმაციას, როგორც სამხედრო ხელოვნება. ეს იმიტომ, რომ „არაფერი არაა ისე დამოკიდებული ეკონომიურ პირობებზე, როგორც სწორედ ჯარი და ფლოტი. შეიარაღება, შემადგენლობა, ორგანიზაცია, ტაქტიკა და სტრატეგია, უწინარეს ყოვლისა, განსაზღვრულ დროის წარმოებისა და კავშირგაბმულობის საფეხურზეა დამოკიდებული“<sup>1</sup>.

ამის გამო, თუ გვსურს კარგად გავეცნოთ და გავიგოთ რომელიმე ხალხის წარსული, საჭიროა გულდასმით შევისწავლოთ ამ ხალხის სამხედრო ხელოვნების ისტორია:

ამ თვალსაზრისით მეტად საინტერესოა და უაღრესად საჭიროც ქართველი ხალხის წარსულის გაცნობისათვის, საფუძვლიანად შევისწავლოთ მისი წარსული სამხედრო ხელოვნების ისტორია. ეს მით უმეტეს, რომ ქართველი ხალხის წარსული, მისი ისტორია, უხვად შეიცავს ოშების ისტორიას.

<sup>1</sup> Фр. Энгельс „Анти-Дюринг“—партиздан, Москва, 1934 г.  
გვ. 119.

სამწუხაროდ, ამ მხრივ დღევანდლამდე თითქმის არა-  
ფერი გაკეთებულა, თუ მხედველობაში არ მივიღებთ ორი-  
ოდე ფელეტონურ წერილს, რომლებიც, უკეთეს შემთხვე-  
ვაში, გამოდგება მხოლოდ მასალად სამხედრო ხელოვნე-  
ბის ისტორიისათვის.

ცხადია, ამ დიდი ნაკლის შევსებას შევძლებთ მხოლოდ  
მომავალში. ახლა კი საჭიროა შეგროვდეს და დამუშავ-  
დეს საჭირო მასალა.

ამგვარ მასალის ერთერთ მდიდარ და საიმედო წყა-  
როს წარმოადგენს მხატვრული ლიტერატურა.

ჩვენ განვიზრახეთ ამ თვალსაზრისით „ვეფხისტყაოს-  
ნის“ შესწავლა. „ვეფხისტყაოსანი“ მონუმენტალური  
ძეგლია არა მარტო მხატვრული ხელოვნებისა, არამედ  
იგი სამხედრო ხელოვნების ისტორიისათვისაც მეტად  
საინტერესო და საგულისხმო მასალას გვაძლევს.

ამ თვალსაზრისით „ვეფხისტყაოსნის“ შესწავლა შუქს  
მოჰყენს ბევრ სხვა საკითხსაც და გაადვილებს ამ დიდი  
განძის შეთვისებას და შეგნებას.

სამხედრო ხელოვნებისათვის დამახასიათებელია ია-  
რალი, სამხედრო ორგანიზაცია, მებრძოლის თუ ჯარის  
გაწვრთნა-მომზადება, საბრძოლო წყობილება და ბრძო-  
ლის წარმოების წესი (ტაქტიკა, სტრატეგია), ჯარის მარ-  
თველობა და დისკიპლინა. თუ ყველა არა, მეტი წილი  
ამ ელემენტებისა, როგორც ქვემოთ დავინახავთ, საკმა-  
რისად ფართოდ და ნათლად გამოსახულია „ვეფხისტყაო-  
სანში“.

„ვეფხისტყაოსანში“ მოხსენებულია:

იარალი: ა) სასროლი იარალი: მშვილდი და ისარი  
კაპარჭით.

„აპა მშვილდი და ისარი და მქლავი დაუშ-

რომელი“ (78).

„ხრმალ-კაპარჭი მოიმაგრა, მკლავნი გაიმამა-  
ცურნა“ (97).<sup>2</sup>

ბ) მკვეთრი იარაღი: შუბი, ლახვარი, ხმალი ანუ  
შიმშერი და მისი ნაწილი კოტი, სახნისი ძელზე  
წამოგებული და დანა.

„შუბი გატყდა, ხელი ჩავყავ, — ვაქებ, ხრმა-  
ლო, ვინცა გლესა“ (488).

„ხრმალ გამოწვდილი მივუხე, მივეც ლაპგართა სო-  
ბასა“ (969).

„ვის შვენის, ლომსა, ხმარება შუბისა, ფარშიმ-  
შერისა“ (3).

„ჩვენ ქაჯეთს ქაჯთა მეომრად დავაგნეთ ხრმალთა  
კოტანი (1453).

„მას ნავსა ნავთა სალეწად სახნისი ჰგია ძელითა“  
(1100).

„ხელი მოჰკიდა, მიწასა დაასკვნა, დაჰკლა დანითა“  
(1178).

გ) დაცვითი იარაღი: ფარი ანუ დარაკა, მუზარადი  
და მისი ნაწილი ზარადი, ჩაბალახი, ჯაჭვი ჩვეულებრივი  
და საკურტაკე, ჯავშანი, ქაფი (სამხარილლიე ჯავშანი)  
და საბარკული (საწვივე ჯავშანი).

„ზედა ეწერა“ „აქა ძეს აბჯარი საკვირველიო,  
ჯაჭვ-მუზარდი, ალმასი, ხრმალი ბასრისა მჭრე-  
ლიო“ (1433).

„დაეხურა ზარადები, პირსა მათსა უფარვიდა“ (1444).

„მათი მესმა დაპირება, ჩაბალახთა ჩამობურვა (657).

„კიდობანი გახსნეს, ჰპოვეს მუნ. აბჯარი სამი ტანი,  
რასაცა ვით. შეიმოსენ მეომარნი სამნი ყმანი,

<sup>2</sup> როგორც აქ, ისე ყველგან ტექსტი მოყვანილია — კონსტ ჭი-  
ჭინაძის რედაქციით გამოცემული „ვეფხის-ტყაოსნიდან“.

ჯაჭვი, ხრმალი, მუზარადი, საბარკული მათი გვანი“  
(1434).

„დავეკაზმუნით საომრად ჯაჭვ-ჯავშანითა, ქაფითა“  
(483).

„ცხენსა შევჯე წაცამოველ ჯაჭვი მეცვა საკურტაკე“  
(601).

„გათენდა, გაჩნდეს, მიმართეს თავისთავ ჰქონდა  
ფარები“ (1479).

ჩამოთვლილი იარაღის გარდა მოხსენებულია ლახტი,  
მაგრამ საეჭვოა, რომ ეს იარაღი იმ დროს ხმარებაში  
ყოფილიყოს; ეს სიტყვა მთელ ნაწარმოებში ორჯერა  
მოხსენებული. პირველად ტარიელი რომ უამბობს ავ-  
თანდილს გამოქვაბულიდან დევების გაძევების და მათთან  
ბრძოლის ამბავს, მოუთხრობს: „მათითა ლახტის ცემითა  
ქვეყანა შეირყეოდა“ (699). მეორე შემთხვევაში, ფატ-  
მანშა, რომ უამბო ავთანდილს ჩაჩნაგირის შესახებ და  
სთხოვა მისი მოკვლა, ავტორი მოგვითხრობს: „რა ესე  
ესმა ავთანდილს ლალსა, ბუნება—ზეარსსა ადგა და  
ლახტი აიღო“ (1172), მაგრამ, ვიმეორებთ, ლახტი ისე-  
თი იარაღი არ უნდა იყოს, რომელსაც მაშინ მებრძოლნი  
ხმარობდნენ, რადგანაც პირველ შემთხვევაში ავტორი ამ  
იარაღის ხმარებას მითოლოგიურ დევებს მიაწერს, მეორე  
შემთხვევაში კი თვით ავთანდილსაც არ მოუხმარია ლახ-  
ტი. უეჭველია, თუ ავთანდილს ლახტი სჭირებოდა, გა-  
მოიყენებდა კიდეც მას. ავთანდილმა კი ჩაჩნაგირს „ხელი  
მოჰკიდა, მიწასა დაასკვნა, დაჳკლა დანითა“ (1178),  
ჩაჩნაგირის ორ დარაჯ მონას კი „თითო ხელი უელსა  
მიჰყო, მუნგე მისცა სულთა ხდასა, თავი თავსა შეუ-  
ტაკა, გაურივა ტვინი თმასა“ (1177). ამის გარდა, არც  
ავთანდილის, არც ტარიელის, არც ფრიდონის, არც სხვა  
პერსონაჟის იარაღის. აღწერის დროს ავტორი არ იხსე-  
ნიებს ლახტს. ცხადია, მეორე შემთხვევაში ეს სიტყვა  
გადამწერს შეცდომით შეუტანია.

მოხსენებულია კიდევ კეტი რკინისა: „მას ხელთ კე-  
ტი რკინისა ჰქონდა ხელითა ცალითა“ (1104) და კი-  
დევ „ძეტი ჰქონა, ძელი მოსტება ლომს მკლავი არ უდრ-  
კებოდა“ (1105); მაგრამ საეჭვოა, რომ რკინის კეტიც ავ-  
ტორის ღროს ჩვეულებრივი შარალი ყოფილიყოს. ჯერ-  
ერთი სამხედრო ხელოვნების ისტორიიდან ვიცით, რომ  
არც ერთ კულტუროსან ხალხს კეტი რკინისა არ გამო-  
უყენებია, როგორც ჩვეულებრივი საბრძოლო იარაღი,  
ქვემოთ კი დავინახავთ, რომ ავტორის ტროინდელი  
საჭიროადოება მატარებელია შედარებით მაღალი კულტუ-  
რისა. ამას გარდა მთელ ნაწარმოებში მხოლოდ ავთან-  
დილი ხმარობს რკინის კეტს, ისიც განსაკუთრებულ შემ-  
თხვევაში. ამასთან დაკავშირებით საინტერესოა, რომ  
ავტორი საჭიროდ სთვლის განმარტოს ამ, როგორც ეტ-  
კობა, უცნაური იარაღის ხმარება. ს. კავაბაძის გამოცე-  
მაში (ტფილისი, 1927 წ.) ზემოთ მოყვანილი სტრიქონი  
„ვეფხის ტყაოსანში“ იკითხება ასე: „ძეტი ჰქონა, ძელი  
მოსტება, სხვით არად არ მოსტყდებოდა“

მოხსენებულია კიდევ „ნაჭედი მათრახი“, რომელსაც  
ტარიელი ორ შემთხვევაში ხმარობს, როგორც საბრძოლო  
იარაღს (98, 228,), მაგრამ „ნაჭედი მათრახიც“ არ უნდა  
იყოს იმდროინდელი საბრძოლო იარაღი. თუ მათრახი  
ტარიელის ხელში იგივეობს საბრძოლო გარალთან, ეს  
იმტკიცება, რომ ტარიელს „ხელთა ნაჭედი მათრახი  
ჰქონდა უსხოსი მკლავისა“ (88) და ამით ავტორს სწა-  
ლივ მხოლოდ ტარიელის ბუმბერაზობა გამოხატოს.

აქვე გაკვრით უნდა აღინიშნოს ის პატარა შეცდომა,  
რომელიც დაშვებულია „ვეფხისტყაოსნის“ თითქმის ყველა  
გამოცემაში და ერთგვარ გაუგებრობას იწვევს. შედევ-  
ლობაში გვაქვს. 1433 ტაები ქ. ჭიჭინაძის რედაქციით:  
„აქა სძეს აბჯარი საკვირველიო, ჯაჭვ-მუზარადი, ჯლმა-

სი, ხრმალი ბასრისა მჭრელიო“. ალმასი, როგორც ძვირ-  
ფასი ქვა, ცხადია, საბრძოლო იარაღად არ ჩაითვლება,  
აქ კი ჩამოთვლილია საბრძოლო იარაღი, მაშასადამე, სიტ-  
ყვა ალმასი აქ ნახმარია მჭრელის მნიშვნელობით, რო-  
გორც თვისების გამომხატველი (ზედსართავი სახელი) და  
უნდა იკითხებოდეს ასე: „ალმასი ხრმალი, ბასრისა მჭრე-  
ლიო“, ე. ი. მძიმე — ხმლის შემდეგ უნდა დაისვას..

ზოგიერთ გამოცემაში (მაგალითად ბროსეს გამოცემა-  
ში) სიტყვა „ალმასის“ მაგიერ ამ ტაეპში ნახმარია სიტყვა  
„აბჯარი“, მაგრამ, ჩვენის აზრით, ეს სიტყვაც ამ ტაეპში  
შეცდომით უნდა იყოს გადამწერის მიერ შეტანილი. სი-  
ტყვა აბჯარი „ვეფხისტყაოსანში“ 35-ჯერ არის მოხსენე-  
ბული და ყოველთვის ზოგადი მნიშვნელობით — საერთოდ  
ყოველგვარი იარალის შეკრებითი სახელის მნიშვნელობით;  
თუ ზემოთმოყვანილ ტაეპში ალმასის მაგიერ სიტყვა აბ-  
ჯარს ჩავშერთ, მაშინ უეჭველია, უნდა ვიგულისხმოთ; რომ  
სიტყვა „აბჯარს“ კერძო მნიშვნელობაც ჰქონია, რადგა-  
ნაც აქ ჩამოთვლილია ცალ-ცალკე იარალი. სიტყვა „აბ-  
ჯარის“ კერძო მნიშვნელობა, ჩვენის აზრით, დასაშვებია  
მხოლოდ, როგორც ტანთსაცვამი ჯაჭვისა. ამ შემთხვევა-  
ში კი გაუგებარი იქნება ნაწარმოების ბევრი გამოთქმა  
აბჯრის შესახებ, მაგალითად: „შეირტყა წელსა აბჯარი“  
(216), ან „უბრძანა, ხელთა აიღეთ აბჯარი თქვენ საომა-  
რე“ და სხვა. უეჭველია, უფრო მართებულია ამ ტაეპში  
სიტყვა „ალმასი“.

როგორც სჩანს, ქვის ტყორცნასაც ჰქონია მაშინ ად-  
გილი, ტარიელი უამბობს ავთანდილს ფრიდონის მოწი-  
ნააღმდეგებთან ბრძოლის შესახებ: „ქვითა დავლეწეთ  
წვრები“ (661), მაგრამ არაფერია ნათქვამი, ხელით  
სტყორცნიდნენ ქვას, თუ იყო რაიმე სატყორცნი იარალი.  
უეჭველია, ეს იარალი შურდულისებური რამ უნდა ყო-

ფრლი თუ ამასთან დაკავშირებით სჭინტერესოთ, რომ თა-  
მარ მეტიც ისტორიკოსიც მოგვითხრობს: „წამოდგეს ბაზ-  
თა და შუაკართა ზედა ისრის მსროლელნი და ქვის  
მტყორცებელნი“ („ქართლის ცხოვრება“, გამოცემა ჭ.  
ჭიჭინაძისა. ტფილისი, 1897 წ. გვ. 434).

მოხსენებულია კიდევ სიტყვა ხანჯალი, მაგრამ სა-  
ეჭვოა, რომ ეს სიტყვა „ვეფხისტყაოსნის“ ავტორის მიერ  
იყოს ნახმარი, რადგანაც ხანჯლის მნიშვნელობით ავ-  
ტორი 15 შემთხვევაში ხმარობს სიტყვა დანას და მხო-  
ლოდ ერთხელ ხანჯალს. უეჭველია, ეს სიტყვაც შემდეგაა  
ჩამატებული.

გაუგებრობის თავიდან ასაცილებლად, აღსანიშნავია  
კიდევ ერთი გარემოება. ს. კაკაბაძე სიტყვა ჭოტას გან-  
მარტაქს, როგორც ლახტს („ვეფხისტყაოსანი“, ს. ჭავ-  
ბაძის რედაქტორობით, 1927 წ. გვ. 197). „ვეფხისტყაოს-  
ნის“ ტექსტიდან კი ცხადად სჩანს, რომ ამ ნაწარმო-  
ების ავტორი სიტყვა კოტას ხმარობს ხმლის ტარის მნიშ-  
ვნელობით. თუ დავუშვებთ ს. კაკაბაძის განმარტებას,  
გაუგებარი და უაზრო იქნება გამოთქმა „ვეფხისტყაოსნის  
ავტორისა: „ხრმალთა კოტანი“ (1433).

ჩვენ ვიცით, რომ თოფის წამალი და ცეცხლმსრო-  
ლელი იარაღი პირველად გამოიყენეს ესპანეთში არა-  
ბებმა, ქალ. ალექსირასს რომ ალყა. შემოარტყეს, მე-13  
საუკუნის დამდეგს.<sup>3)</sup>

აღსანიშნავია, რომ „ვეფხისტყაოსნის“ ავტორს არა-  
ვითარი წარმოდგენა არა აქვს არც თოფის წამალზე,  
არც ცეცხლმსროლელ იარაღზე.

სამხედრო ორანიზაცია—ნაწარმოებიდან შეაფილდ  
არ სჩანს, ჰელლისხმობს თუ არა ავტორი მუდმივ ჯარს,

<sup>3).</sup> П. И. Майн „Стрелковое оружие“, изд. Артил. Академии РККА, 1934 г., г. Ленинград, გვ. 12.

თუმცა უფრო საფიქრებელია, რომ ჯარი მუდმივი იყო. ჯარი იკრიბება საჭიროების და მიხედვით, მშვიდობიანობისას ნაღირობისათვის და ომიანობისას—პრძოლისათვის. ტართელი ასე უამბობს ავთანდილს ხატაელებთან საბრძოლველად მზადებას:

„გუბჩანე წვევა ლაშქართა, გაფგზავნე მარზაპანია,  
იგი ვარსკვლავთა ურიცხვი, მოკრბეს ინდოთა სპანია“  
(444).

და შეორე შემთხვევაში:

„კაცი გაფგზავნე, გაცნობე ყოფლგან ლაშქარსა  
უველასა“ (603).

როსტევან მეფე და ავთანდილი რომ სანაღიროდ გაემზადნენ, ავტორი მოგვითხრობს „ლაშქარნი სამზოდ აწყიგნესო“ (74). აქედან სჩანს, რომ ლაშქარის გაწვევის წესიც უნდა ყოფილიყო წინასწარ დამუშავებული, სამწუხაროდ, ნაწარმოებიდან არ სჩანს, როგორი იყო თვით წესი ლაშქრის გაწვევისათ.

ლაშქრის მებრძოლთა რიცხვი, როგორც სჩანს, დაახლოებით მაინც აღრიცხული უნდა ყოფილიყო. ავტორი ავთანდილის შესახებ ერთს შემთხვევაში ამბობს: „ავთანდილ პირმზე სპასპეტი ლაშქრისა ბერ ათასისა“ და როსტევან მეფის შესახებ, პოემის დასაწყისში „ლაშქართმრაგალი, ყმიანი“.

თუმცა ლაშქარი მეფის, განკარგულებით იკრიბება, როგორც ეტყობა, ლაშქრის ცალ-ცალკე სპათა უშუალო მეპატრონე—ის მემამულქ უნდა ყოფილიყო, ვის მიწაწყალზედაც იკრიფება ლაშქარი.

იმ თანამდებობის პირთა მიხედვით, რომლებიც მოხსენებულია „ვეფხისტყაოსანში“, ძნელია იმ დროინდელ სამხედრო ორგანიზაციის სავსებით აღდგენა, მაგრამ ამ მხრივაც საგულისხმო ცნობებს გვაწვდის „ვეფხისტყაოსნის“ ავტორი.

„ვეფხისტყაოსანში“ მოხსენებული არიან შემდეგი თანამდებობის პირნი: სპასპეტი, ამირსპასალარი, სპასალარი, ამილბარი, ამილახორი, მარზაპანი.

„ავთანდილ იყო სპასპეტი ძე ამირ-სპასალარისა“  
(42).

„ერთი სამეფო საკარგყმო, უბოძა ამილბარობა.  
თვით ამილბარისა ინდოეთს აქვს ამირ-სპასალა-  
რობა“ (348).

„ამილახორო“ მოასხი რემა, ჯოვი და ცხენია“ (56).

„ვუბრძანე წვევა ლაშქართა, გავგზავნე მარზანია;

„კულა ფრიდონისნი აავსნა, სპა ჰყვა, თუ სპასალა-  
რები“ (1569).

სპასპეტი და ამირსპასალარი, როგორც სჩანს, უმაღ-  
ლესი თანამდებობის პირნი იყვნენ. მათ ექვემდებარებოდა  
სახელმწიფოს მთელი ლაშქარი. ამ ორ ტერმინს ავტორი  
ხმარობს ერთსა და იმავე მნიშვნელობით, იგი დაახლო-  
ვებით უდრის ჩვენი დროს. მხედართმთავარს ანუ მთა-  
ვარსარდალს, ამილბარიც დიდი თანამდებობის პირი ყო-  
ფილა, თითქმის მეფის სწორი. ტარიელი თავის თავზე  
ამბობს:

„ამილბარი ვარ, ხელმწიფე, სრულად ინდონი მმო-  
ნობენ“ (407).

და თვის მამა ამილბარზე:

„ოვით მეფე მან მამაჩემი დაიჭირა სწორად თავსა,  
თქვა ჩემებრივ ამილბარი, ნაძლევი ვარ ვისაც  
ჰყავსა“ (349).

მაგრამ ნაწარმოებიდან არ სჩანს, რა მოვალეობას  
ასრულებდა ამილბარი, მართალია, „თვით ამილბარისა  
ინდოეთს აქვს ამირსპასალარობა“ (348), მაგრამ ამილბა-  
რის თანამდებობითაც რაღაც მოვალეობა ჰქონია დანა-  
შნულ პირს, რადგანაც ფარსადან მეფე ტარიელს, რომ

ამილბარად ნიშნავს, ეუბნება: „შენ გქონდეს ამილბარობა, ქმნა მისვე საურაფისა“, ნაწარმოებიდგან კი არ სჩანს, რაში გამოიხატებოდა ეს „საურავი“.

ლაშქარი, როგორც ქვემოთ დავინახავთ, იყოფოდა რაზმებად და სწორედ ამ რაზმების მეთაურნი უნდა ყოფილიყვნენ სპასალარნი; თუმცა ეს ნაწარმოებიდგან ნათელი არაა.

როგორც სჩანს, თუ შეიძლება ასე ვსთქვათ, რიგის სპასპეტნიც უნდა ყოფილიყვნენ, რაღვანაც ერთ ალაგას (1051) ავთანდილი თავის თავს „დიდი სპასპეტს“ უწოდებს. ამის გარდა თვით ავტორი ავთანდილზე ამბობს, „ქე ამირსპასალარისა“. მაშასაღამე, ავთანდილი უბრალო სპასპეტი კი არა ყოფილა, არამედ „სპასპეტი ლაშქრისა ბევრ ათასისა“. იყვნენ იმის გარდა რიგის სპასპეტნიც იმავე მნიშვნელობით, როგორც სპასალარნი.

მარტაპანებს ევალებათ ჯარის შეკრება. არ სჩანს, მარტო ამაში გამოიხატებოდა მათი მოვალეობა, თუ სხვა რამეც ევალებოდათ, შესაძლებელია ისინი იყვნენ თემების, როგორც სამხედრო ოლქის, უფროსნი.

ყველა ჩამოთვლილი თანამდებობის პირნი მშვიდობიან დროსვე ინიშნებიან და ასრულებენ თავიანთ მოვალეობას. ეს უტყუარი საბუთია იმისი, რომ იმ დროს ჯარის ორგანიზაცია წინასწარვე იყო გათვალისწინებული, მით უფრო შეგვიძლია ამის მტკიცება, რომ ჯარი შეკრებისას ეწყობა, წინასწარ განსაზღვრულ წესით: „დაიწყეს დგომა ლაშქართა თემ-თემად, დას-დასებისა“ (595).

მაშასაღამე, ჯარი ეწყობა „თემ-თემად დას-დასებისა.“

საინტერესოა და გამოსარკვევი ჯარის „თემ-თემად“ დაწყობა. თემი, როგორც საბა-სულხან ორბელიანი განმარტავს, „ქვეყნის ერთი ნაწილია“, მაშასაღამე, თემი სახელმწიფოში შემავალი ტერიტორიული ერთეულია, საიდა-

ნაც ჯარი იკრიბებოდა ძველად. უეჭველია, განსაზღვრულ თემიდან შეკრებილი ჯარი შეადგენდა ცალკე სამხედრო ერთეულს, ამის გამოც ჯარი ეწყობა „თემ-თემად“. ცხადია, თემს განსაზღვრული სამხედრო ვალდებულებანი ჰქონდა. სამწუხაროდ ნაწარმოებიდან არ სჩანს, რაში გამოიხატება ეს ვალდებულებანი, ჯარის შეკრების წესი. ამასთან დაკავშირებით საინტერესოა, რომ მე-7 საუკუნის ბიზანტიაში შემოიღეს სახელმწიფოს ტერიტორიის დაყოფვა ცალ-ცალკე აღმინისტრაციულ ერთეულებად, რომლებიც ერთსა და იმავე დროს სამხედრო ოლქის როლს თამაშობდნენ. ამგვარ აღმინისტრაციულ ერთეულს—სამხედრო ოლქს, ბერძნულად „თემა“ ერქვა<sup>4)</sup>.)

ბიზანტიიდან შემოვიდა საქართველოში ეს წესი ტერიტორიის დაყოფისა, თუ საქართველოში შემუშავდა დამოუკიდებლივ, როგორი იყო ზედმიწევნით თემებში ჯარის შეკრების წესი და პირობები—ეს საკითხები ცალკე გამოკვლევას მოითხოვს.

თუმცა სარანგებს „ხელთა აქვთ აბჯარი“, მაინც სარანგი სამხედრო რაზმის უფროსი კი არ არის, როგორც ს. კაკაბაძე განმარტავს, არამედ „რაოდენთა კაცთა უფროსი, რათა მათ მიერ ბოროტნი კაცნი შეშინდნენ“ (საბა), ე. ი. წესრიგის დამცველნი იყვნენ მშვიდობიანობისას, შესაძლებელია, ამის დროსაც ბრძოლის ველზე.

„ზედა მოატყდა მჭვრეტელი, განდეს ზათქი და ზარები.

<sup>4)</sup> Ф. И. Успенский „История Византийской империи“, том I, часть II, изд. Брокгауз-Ефрон, С-Петербург, гг. VII.

და Г. Дельбрюк „История военного искусства в рамках политической истории“, т. III, гг. VII, изд. Госвоениздат, Москва, 1933 г.

ვერ იჭირებიდეს სარანგნი, მუნ იყო არ სიწყნარები  
(1242).

და მეორე შემთხვევაში:

„შუკათა შოდგეს გაჭარნი, უოგლებნით მჭვრეტელ-  
თა ჯარია:

შორს უარებდეს სარანგნი, ხელთა აქვთ მათ აბჯა-  
რია;

შოიჯრებთდეს ჯალაბნი, სარანგთა დამსაჯარია“.  
(1531).

როგორც სჩანს, ჩვეულებრივი ყოფილა მშვიდობიანო-  
ბის ღროს მგზავრების (მეტადრე ვაჭრების) გაძარცვა მე-  
კობრების მიერ და ამის გამო ჩვეულებრივია შეიარაღე-  
ბულ დამცველის გაყოლება, რაც ასე დამახასიათებელია  
ფეოდალური ხანისათვის.

„მათი ბადრაგა აფთანდილ უძლვის გულითა ქველი-  
თა“ (1100).

საგულისხმოა კიდევ მეთვალყურე დარაჯის დანიშვნა  
ბრძოლის ღროს:

„საღამოს უამს დაიზახა ქედით მათმან დარაჯამან“  
(491).

ეს ცხადი საბუთია იმისი, რომ ავტორისდროინდელ  
სამხედრო წრეებში კარგად ჰქონდათ შეგნებული მოულოდ-  
ნელ თავდასხმის მნიშვნელობა, იცოდნენ; რომ მოწინა-  
ალმდევის მიერ შესაძლებელი იყო სხვადასხვა მანევრი და  
ამ მანევრის წინააღმდეგ ზომებს, ღებულობდნენ.

„ვეფხისტყაოსნის“ ავტორი ხშირად ხმარობს სიტ-  
ყვებს „უმა და მოყმეს“ რაინდის მნიშვნელობით (ფეოდა-  
ლურ ხანისა). აქ საინტერესოა ერთი გარემოება: თუმცა  
იმ ორ სიტყვას თითქმის ერთსა და იმავე მნიშვნელობით  
ხმარობს ავტორი, მაგრამ ცოტაოდენი განსხვავება მაინც  
მოსჩანს ამ ორ ტერმინს შორის.

**მოყმე** შთელ ნაწარმოებში ნახმარია 36-ჯერ, ამათში  
11-ჯერ ავთანდილის შესახებ, 10-ჯერ ტარიელის და  
4-ჯერ ფრიდონის შესახებ, სხვა შემთხვევაში ავტორი  
ხმარობს მოყმეს, როდესაც მოგვითხრობს განყენებულ  
პიროვნებებზე. არც ჩაჩნავის, არც სამ ძმა ხატაქლს, ან  
ნაწარმოების სხვა პიროვნებას ავტორი მოყმეს არ უწო-  
დებს, თუმცა იმათ ყმებად მოიხსენებს, როგორც ხშირად  
ტარიელს, ავთანდილს და ფრიდონს. აქედან მოსჩანს, ვი-  
მეორებთ, ერთგვარი განსხვავება ამ ორ ტერმინს შო-  
რის, მაგრამ ეს საკითხიც მოითხოვს ცალკე გამოკვლევას.

როგორც სჩანს, ყმებს თან ახლდათ მეაბჯრენი:

„ჩვენ ვიახლენით სამთავრე სამნიგე მეაბჯრენია“

(223),

ეუბნებიან სამნი ძმანი ხატაქლი ავთანდილს.

სამხედრო გაფვრთნა-მომზადება — როგორც ნაწარ-  
მოებიდან. სჩანს, მშვილდოსნობა, შუბოსნობა, ხრმლით-  
კვეთება იყო საგნები; რომლებიც ყველა მებრძოლს უნდა  
შეესწავლა და რითაც იგი ფასდებოდა. ტარიელი თავის  
აღზრდაზე რომ უამბობს ავთანდილს, მოუთხრობს:

„თვით შუბთხანნი ჩემებრივ არავინ არ ეგებიან“

(354).

მეორე შემთხვევაში:

„ჩემგან ხრმლითა განაკვეთი ნახეს, მეთად გაუკვარ-  
დეს“ (496).

როსტევან მეფე მოსთქვამს:

„ღმერთმან არ მომცა ყმაშვილი, გარ საწუთროთა  
იმობითა,

ანუცა მგვანდეს მშვილდოხნად, ანუ კვლავ ბურ-  
თაობითა“ (65).

ყველა ცალკე მებრძოლს გაწვრთნა-მომზადება ამ საგ-  
ნების ვარჯიშში გამოიხატებოდა, მებრძოლთა კოლექ-

ტივი კი, როგორც სჩანს, იწვერთნებოდა ნადირობით. არ უნდა დაგვავიწყდეს, რომ ძეელი დროის ნადირობა რთული და პასუხსაგები საქმე იყო. გარეული ნადირი და მხეცი იმდენად მრავლად იყო, მეორე მხრივ იარაღი შედარებით იმდენად პრიმიტიული, რომ ნადირობა მოითხოვდა დიდ გამბედაობას, ხერხს, მონადირეთა მოქმედების ურთიერთ შეთანხმებას. პასუხსაგები საქმეც იყო, რადგან გარეული ნადირი ხშირად შემოსეულ მტერზე ნაკლებ ზარს არ სცემდა მოსახლეობას. ბოლოს, დახოცილი ნადირი შესამჩნევი წყარო იყო შემოსავლისა. ამით აიხსნება, რომ „ვეფხისტყაოსნის“ გმირები შედარებით ხშირად მართავენ ნადირობას.

ნადირობა, ბურთაობა, ასპარეზობის მონაწილე მშვიდობიან დროს იჩენდა მებრძოლის თვისებებს და ამითვე ფასდებოდა ვაჟკაცი. ამით აიხსნება ავთანდილის. გაბედული პასუხი როსტევანი მეფის ჩივილზე:

„მიწამცა თქვენი ავთანდილ თქვენს წინა მშვილდოსაზია;

ნაძლევი დავდგათ, მოგასხნეთ მოწმედ თქვენიგესპანია:

მოასპარეზედ ვინ მგავხო? ცუდილა უკუოქმანია, გარდამწყვევთელი მისიცა ბურთილა მოედანია“ (69). საბრძოლო წყობილება და ბრძოლის დარღვევის წესი. როგორც სჩანს, განსაზღვრული, წინასწარ გამომუშავებული საბრძოლო წესი და, მაშასაღამე, საბრძოლო წყობილებაც უნდა ყოფილიყო. ტარიელმა ხატაელებს შეუთვალა:

„ბრძანეთ, მოდით, შემებენით ვითა წესი და რიგია“

(485).

მართალია, ავტორი არ ასწერს დაწვრილებით საბრძოლო წყობილებას. ცხადია, ეს არც საჭირო, არც სავალდე-

ბულოა მხატვრული ნაწარმოების პვტორისათვის, მაგრამ მაინც ნაწარმოებიდან სჩანს, რომ ავტორმა კარგად იცის ჩმდროინდელი საბრძოლო წყობილება და ბრძოლის წესები.

როგორც სჩანს, ტაქტიკური ერთეული რაზმი იყო.

ბრძოლაში რამდენიმე რაზმი ლებულობდა მონაწილეობას.

ტარიელი ავთანდილს ხატიელებთან ბრძოლას რომ უამბობს, ალნიშნავს:

„ერთობ სრულად აშოვწყვიტე წინა კერძი რაზმი ორი“ (489).

რაზმი რამდენიმე კეცის, ანუ მწკრივასაგან შესდგებოდა.

როგორც ეტყობა, რაზმის მწკრივის ანუ კეცის რიცხვი განხაზლვრული არ უნდა ყოფილიყო. ტარიელი ხატიელთა ჯარის შესახებ ამბობს:

„შეჰქმნეს რაზმი მრავალ კეცი“. (486).

რაზმი განსაზღვრულ წესით უნდა მდგარიყო, უეჭვლია, ერთიმეორის გვერდით და სილრმეში. მჭიდროდ დაკივშირებული, იმავ აღვილას ტარიელი ამბობს:

„შათ ურიცხვი რაზმი ეწყო, წყნარად დგეხ და აუშლელად“ (487).

ბრძოლა, როგორც მოსალოდნელია, წარმოადგენს ორ პირისპირ დამდგარი „მრავალკეცი“ რაზმების შეხლას. მაგრამ ბრძოლა უბრალო შეხლა და ჭიდილი კი არ არის, როგორც, ვთქვათ, საშუალო საუკუნოებში ევროპელ რაინდებს შორის, არამედ სამხედრო ხელოვნების უფრო მიღალი საფეხურია. ბრძოლაში სხვადასხვა ტაქტიკურ ხერხესაც მიჰმართავენ: ჩასაფრებას, დაზვერვას, შემოვლას, მოწინააღმდეგის შეცდომაში შეყვანას და მოულოდნელად თავდასხმას. ეტყობა, ყველატერი ეს მაშინ ჩვეულებირენი მოვლენა იყო.

ტარიელი ხატაელებთან ბრძოლის დასაწყისს ასე ას-  
ტერს:

„კვაშლი შეჰქმნეს ლაშქართათვის, დამალული გა-  
ამუღავნეს;  
სამალავით გამოვიდეს, თავნი თრგნით აქარავნეს“  
(486).

ბრძოლა იწყება შუბით, რომ აერივნათ მოწინააღმდე-  
გის „მრავალ კეცი“ რაზმი, რომელიც „წყნარად სდგეს და  
აუშლელად“ და შემდეგ ხმალდახმალ ქვეთებიან ერთმა-  
ნეთს; ბრძოლას იწყებს ყველაზე ძლიერი მებრძოლი და  
სცემს იმ ადგილას, სადაც მოწინააღმდეგის „უფროსი  
რაზმი“ ეგულება.

მას მხარს უჭერენ „ერთობილნი“ და ამ ხელჩართულ  
ბრძოლით სწყდება საკითხი. ტარიელი ასე ასტერს ხა-  
ტაელებთან ბრძოლას:

„შუბი ვსთხოვე, ხელი ჩავყავ მუზარადის დასარ-  
ქმელად,

საომარად ატეხილი ვიყავ მათდა გამტეხელად;  
ერთსა წავსწვდი უტევანსა, წავგრძელდი და წავე  
გრძელად.

მათ ურიცხვი რაზმი ეწყო, წყნარად დგეს და აუ-  
შლელად“ (487).

ახლოს მივეღ, შემომხედეს, შმავია, ესე თქვესა.  
მუნ მივმართე შკვლავ-მაგარმან, სად უფრისი ჯარი  
დგესა:

კაცები შუბი ვკარ, ცხენი დავეს; მათ ორნივე მიპხდეს  
მზესა,  
შუბი გატყდა, ხელი ჩავყავ,—ვაქებ, ხრმალო,  
გინცა გლესა. (488).

შიგან ასრუ გავერივე, გნოლის ჯოგსა, ვითა ქორი.  
კაცი კაცსა შემოვტყორცნე, ცხენ-კაცისა დავდგო  
გორი;

ქაცი, ჩემგან განატყორცნი, ბრუნავს ვითა ტანა-  
ჯორი;  
ერთობ სრულად ამოვწყვიტე წინაკერძი რაზმი ოჩი“  
(489).

„ერთობილნი მომეხვივნეს, მრგვლივ შეიქმნა ოქი  
დიდი“ (490).

ბრძოლას თუ ლაშქრობას წინ უსწრებს, დაზვერვა და  
საერთოდ საჭირო ცნობების შეკრეფა. ფატმანი, უეჭვე-  
ლია, ავთანდილის კარნახით, სწერს ნესტან დარეჯანს:  
„ჩვენ ამისთვის ესე მონა გამოვგზავნეთ თქვენსა წინა.  
ვსცნათ ამბავი ქაჯეთისა, მოსრულმანცა ქაჯნი შინა?  
მანდაურთა მეომართა ანგარიში წვრილად გვინა,  
ვინ არიან მცველნი შენნი, ან თავადი მათი ვინა“ (1336).

რაცა იცი მანდაური, მოგვიწერე გაამჟღავნე“ (1337).  
ეს, ასე ვთქვათ, სტრატეგიული დაზვერვაა, მაგრამ  
უშუალოდ ბრძოლის წინაც ხდება დაზვერვა, ე. ი. ტაქ-  
ტიკურ დაზვერვასაც პქონდა იმ დროს ადგილი.

ავტორი მოგვითხრობს, რომ ქაჯეთის ციხის აღების  
წინ ტარიელმა და მისმა მეგობრებმა „მას დამით უქმნეს  
სადარნო, <sup>4)</sup> უცრუო ანაჩქრები“ (1479).

აღსანიშნავია კიდევ საუცხოო ხერხი, რომელსაც  
მიმართეს „ვეტხისტყაოსნის“ გმირებმა ქაჯეთის ციხის  
ასალებად ტარიელის რჩევით:

„მაგა თათბირსა, ესე სჯობს, ვქმნათ ჩემი მონახე-  
ნები:  
გავიყოთ ქაცი ას-ასი, რა ლამე ჩნდეს ნათენები,  
სამთავე სამგნით მიგმართოთ, ფიცხლავ დავსხლი-  
ოთ ცხენები“ (1471).

„ფიცხლავ შევებნეთ, შევსჯარნეთ, გერ მოგვა-  
სწრებენ კარებსა.  
სამთავან ერთი შეგუალთ, სხვა გარეთ გსცემდეთ  
გარებსა,

<sup>4)</sup> სადარნო დაზვერვას ნიშნავს.

## ვან ერთმან შიგნით შიგანნი მიგსცეთ სისხლისა ღვა- რებსა“ (1472).

აქ მოცემულია ჩინებული ხერხი ადგილობრივ გამაგრე-  
ბულ მოწინააღმდეგეზე შეტევისა. აქ არის შემდეგი მარ-  
თებული აზრი: მომგერიებელს არ ძალუდს ყველგან ძლი-  
ერი იყოს და მისი ძალისა და ყურადღების უფრო მეტი  
დაქსაქსისათვის საჭიროა შეტევა სწარმოებდეს რამდე-  
ნიმე მხრით, რადგანაც „სამთავან ერთი შეუვალთ“, რამ-  
დენიმე მხრიდან შეტევით უფრო ადგილად ვუპოვნით  
მომგერიებლებს სუსტ მხარეს, გავარღვევთ მასო. გაძრღვე-  
ვა თუ არა ერთი ადგილიც კი მომგერიებლისა, იქ უნდა  
გაძლიერდეს შეტევა: „მან ერთმან შიგნით შიგანნი მიგს-  
ცეთ სისხლისა ღვარებსა“, თუმცა დანარჩენებმაც არ  
უნდა შეანელონ შეტევა: „სხვა გარეთ ვცემდეთ გარებსა“,  
რომ მომგერიებლებმა ვერ შესძლონ სხვა ადგილიდან  
გააძლიერონ მოგერიების ხაზი იმ ადგილას, სადაც იგი  
გაირღვა.

თუ რამდენად მაღალი კულტურის გამომხატველია ეს  
ხერხი ბრძოლისა, საკმარისია გავიხსენოთ, რომ იგი დღე-  
საც ცოცხალია სამხედრო ხელოვნებაში.

არის ნიშანი იმისა, რომ „ვეთხისტყაოსნის“ ავტორის  
დროინდელ ბრძოლებში რეზერვის გამოყენებასა ჰქონდა.  
ადგილი:

„უკანანიცა ლაშქარნი მოესწრნეს მათ გაქცეულთა,  
დაუწყეს. პყრობა, ჩამოყრა შეშინებულთა, ძლე-  
ულთა“ (494).

დასაშვებია, რომ „უკანანიცა ლაშქარნი“ რეზერვის  
აღსანიშნავი იმდროინდელი ტერმინი იყოს, მაგრამ ეს სა-  
კითხი მოითხოვს უფრო მეტ დასაბუთებას და შემოწმე-  
ბას სხვა წყაროებითაც.

ჯარის მართველობა--როგორც ნაწარმოებიდან სჩანს, მშვიდობიანობის დროს ჯარი იკრიბება მეფის ან ამირ-სპასალარის განკარგულებით: „ვუბრძანე წვევა ლაშქარ-თა, გავგზავნე მარზაპანია“—უამბობს ტარიელი ავთან-დილს. ამის გარდა ლაშქრობის წინ ამირსპასალარი სინჯავს ლაშქრის დარაზმულობას, მის მოკაზმულობას, აბჯარს, ტაიჭთა სიმალეს, მებრძოლთა სიჩაუქეს და სიკეთეს:

„აღლუმი ვნახე, მეკეთა ლაშქართა მოკაზმულობა.

სიჩაუქე და სიკეთე, კეცლუცად დარაზმულობა.

ტაიჭთა მათთა სიმალე, აბჯართა ხვარაზმულობა“ (495).

მაშასალამე, მშვიდობიანობის დროსვე ჯარის შეკრება, მისი შეიარაღება და მოკაზმულობა, ბრძოლისათვის გა-წვრთნა-მომზადება. ამირსპასალარის გამგებლობის და მართვის საქმეა.

ბრძოლის ველზე ჯარის მართველობა განისაზღვრება ამირსპასალარის მიერ წინასწარ გეგმის შედგენით და საჭირო განკარგულების გაცემით, რომლის მიხედვითაც ჯარი იბრძვის:

„ვუბრძანე ჩაცმა აბჯრისა ლაღმან სიტყითა ხაფითა; დავეკაზმენით საომრად ჯაჭვ-ჯავშანითა, ქაფითა; რაზმი დავაწყევ, მივმართე, წაველ დიდითა სწრაფითა“

(483)-

ზოგიერთ შემთხვევაში თათბირსაც მართავენ, სადაც წინასწარ მუშავდება ბრძოლის გეგმა. დამახასიათებელია, რომ თათბირში მონაწილეობას იღებენ მხოლოდ უმაღლესი თანამდებობის პირნი და გადამწყვეტი სიტყვა მა-ინც ამირსპასალარს ეკუთვნის:

„დაასკვნეს იგი თათბირი, ტარიას განაზრახები“ (1475)

ქაჯეთის ციხის აღების წინ.

თვით ბრძოლის მსვლელობაში ამირსპასალარის მეთა-ურობა მხოლოდ იმაში გამოიხატება, რომ პირადი ვაჟ-

კაცობით მაგალითი უჩენოს თავის მებრძოლთ და ამით  
გაამხევოს ისინი:

„მუნ მიგმართე მკლავ-მაგარმან, სად უფროსი ჯარი  
· დგესა“ (1488).

„შიგან ასრე გავერივე, გნოლის ჯოგსა ვითა ქორი“  
(489).

„ერთობილნი მომეხვივნეს, მრგვლივ შეიქმნა ომი  
დიდი“ (490).

**დისციპლინა:** როგორც ნაწარმოებიღან სჩანს, ჯარში  
დამყარებულია მტკიცე დისციპლინა, ყველაფერი, რო-  
გორც მშვიდობიანობისას, ისე ბრძოლის დროს სრულ-  
დება ბრძანებისა და განკარგულების თანახმად;

„ვუბრძანე წვევა ლაშქართა, გავგზავნე მარზაპანია“  
იგრ ვარსკვლავთა ურიცხვი მოკრბეს ინდოთა სპანია“  
(444).

„ვუბრძანე ჩაცმა აბჯრისა ლალმან სიტყვითა ხა-  
ფითა; დავეკაზმენით საომრად ჯაჭვ-ჯავშანითა, ქაფითა;  
რაზმი დაგაწყევ, მივმართე, წაველ დიღითა სწრა-  
ფითა“ (483).

საინტერესოა გავიხსენოთ, რომ ფეოდალურ, ხანის  
ჯარს ნაკლებად სწამდა დისციპლინა; მას უფრო ახასი-  
ათებდა ანარქია, როგორც მშვიდობიანობის დროს, ისე  
ბრძოლის ველზე. ფეოდალ-რაინდისათვის წარმოუდგენე-  
ლი იყო, რომ ბრძოლის ველზე მას წინასწარ, სხვის  
მიერ გამომუშავებული წესით ან მით უფრო განკარგუ-  
ლებით ემოქმედნა. ფეოდალურ ხანაში ჯარში შეთანხმე-  
ბა, მოლაპარაკება შესაძლებელი იყო, ბრძანებულ კი არა-  
ვითარ შემთხვევაში.

\* \* \*

იმისათვის, რომ „ვეფხისტყაოსნიდან“ ამოკრებილი  
ცნობები გამოვიყენოთ მომავალში როგორც დამუშავე

ბული მასალა სამხედრო ხელოვნების ისტორიისათვის,  
საჭიროა გამოვარკვირთ ორი საკითხი:

1. რომელ ხანას ეკუთვნის „ვეფხისტყაოსნის“ ავტო-  
რის მიერ აღწერილი სამხედრო ხელოვნება.

2. რომელ სოციალურ-ეკონომიურ ფორმაციას გამო-  
ხატავს იგი.

ცხადია, ამ საკითხების გამოსარკვევად საჭიროა „ვე-  
ფხისტყაოსნის“ ყოველმხრივ შესწავლა. საქმეს კიდევ ის  
ართულებს, რომ დღევანდლამდე არ არის შესწავლილი  
და გამოცემული საქართველოს სამხედრო ხელოვნების  
ისტორია. ამის გამო ჩვენ შეგვიძლიან გამოვსთქვათ მხო-  
ლოდ რამდენიმე მოსაზრებანი ამ ორი საკითხის გასაშუ-  
ქებლად.

1. „ვეფხისტყაოსნის“ ავტორი არ იცნობს მონლოლთა  
სამხედრო ხელოვნებას.

სამხედრო ხელოვნების ისტორიიდგან ვიცით და მონ-  
ლოლთა დროის უამთააღმწერელიც მოწმობს, რომ მონ-  
ლოლები იყვნენ „საჭურველსა არა-რასა მქონებელნი,  
მშვილდისა და ისრისა კიდე“, სამაგიეროდ „მოისარნი  
იყვნეს რჩეულნი, მაგრითა მშვილდითა უცოთმრად მსრო-  
ლელნი, რომელთა საკრაფსა ვერა-რა-მან საჭურველმან  
დაუდგნის. უფროს ცხენსა ზედა იყვნეს მხნე, რამეთუ აღ-  
ზრდა მათი ცხენსა ზედა იყვის“ („ქართლის ცხოვრება“,  
გამოცემა ჭ. ჭიჭინაძისა, 1897 წ. გვ. 499). ამის გამო  
მონლოლთა სამხედრო ხელოვნებისათვის დამახასიათებე-  
ლია სასროლი იარაღით ბრძოლა. მათი ბრძოლის მთა-  
ვარი ხერხი იმაში გამოიხატებოდა, რომ ცხენოსანთა  
დიდი მასა უცემოდა მოწინააღმდეგეს და უშენდა ისარს.  
თუ პირველი ტალღა ცხენოსან მოისრებისა ჟერ შეარ-  
ყევდა მოწინააღმდეგეს, იგი უკან იხევდა და მოწინააღ-  
დეგეს მიესეოდა მეორე ტალღა ცხენოსან მოისრებისა.

თემურლანგი მოითხოვდა, რომ ბრძოლის ველზე სიღრმეში  
9 ამგვარი ტალღა, ანუ ეშელონი მდგარიყო: თუმცა უნდა  
ითქვას, რომ ეს მოთხოვნილება უფრო თეორიული იყო,  
სინამდვილეში ეშელონების რიცხვი უფრო მცირე იყო,  
მაგრამ არანაკლებ სამისა.

ასე ლრმა საბრძოლო წყობილება სხვა ღონისძიებას-  
თან ერთად საშუალებას აძლევდა მათ გარშემორტყმოდ-  
ნენ მოწინააღმდეგეს და გაეყლიტათ იგი; სწორედ ასეც  
მოიქცნენ მონლოლები საქართველოში პირველი შემოსე-  
ვის ღროს იმ ბრძოლაში, რომელზედაც ჩვენი ისტორი-  
კოსი სწერს: „ნახევარი ივლტოდეს თათარნი და ნახე-  
ვართა მზირი ეყო და უკანით მოუხდეს. მაშინ მოიწია  
რისხვა ზევარდამო... და ივლტოდეს ქართველნი და  
თვით მეფე ლაშა, და ურიცხვი სული ქრისტეანე მოკვ-  
და“ („ქართლის ცხოვრება“, გამოცემა ზ. ჭიჭინაძისა,  
1897 წ. გვ. 505).

მკვეთრი იარაღის მქონე ჯარი, უმეტეს შემთხვევაში  
ქვეითი, მონლოლების ჯარში დამხმარე როლს თამაშობ-  
და, თუმცა ყველაზე კარგ ჯამაგირს მონლოლთა ჯარში  
ქვეითი ჯარისკაცი ლებულობდა: ცხენოსან ჯარის მიერ  
დამარცხებული მოწინააღმდეგის დატყვევება თუ ამოუ-  
ლეტა, ციხე-ქალაქის ალყის შემორტყმა, მეციხოვნეობა  
და სხვა ამგვარი რამ, აი ის ამოცანები, რომელნიც ვა-  
ლად ედვა მონლოლთა მკვეთრ იარაღის მქონე ქვეითა  
ჯარს.

პირიქით, როგორც საერთო სურათი ბრძოლებისა,  
რომელიც აწერილია „ვეფხისტყაოსანში“, ისე ნაწარმო-  
ებიდგან ამოკრებილი ცალკე ფაქტები გვარწმუნებენ, რომ  
ავტორისღროინდელ ბრძოლებისათვის დამახასიათებელია  
მკვეთრი იარაღით მოქმედება.

საკმარისია გავიხსენოთ საერთო სურათი ინდო-ხატა-

ელთა ბრძოლისა, ან ის ფაქტი, რომ ტარიელი აქებს არა. მშვილდ-ისრის გამკეთებელს, არამედ ხმლის გამლესავს: „შუბი გატყდა, ხელი ჩავჭავ, ვაჭებ, ხრმალო, გინც გლეხა“ და იქადის არა მშვილდ-ისრის ნამოქმედრით, არამედ ხმლის ნაკვეთით: „ჩემგან ხრმლითა განაგვეთი ნახეს, მეტად გაუკვირდათ“, რომ დავრწმუნდეთ წამოყენებულ დებულების სიმართლეში.

ნადირობის გარდა, ბრძოლების აღწერის დროს „ვეფხისტყაოსნის“ ავტორი მხოლოდ ერთხელ იხსენიებს მშვილდ-ისარს, ისიც გაკვრით (649). მებრძოლის იარაღის აღწერის დროსაც არ იხსენიებს ავტორი მშვილდ-ისარს.

„კიდობანი გახსნეს, ჰპოეს მუნ აბჯარი სამი ტანი, რახაცა ვით შეიმოსნეს მეომარნი სამნი ყმანი.

ჯაჭვი, ხრმალი, მუზარადი, საბარკული მათი გვანი“.

ჯარი თუ უკან იხევს, მხოლოდ დამარცხებული ან შეძრწუნებული მოწინააღმდეგის სიმრავლე-სიძლიერით.

აქედან ცხადია, რომ ავტორი არ იცნობს მონღოლთა სამხედრო ხელოვნებას.

თუ მხედველობაში ვიქონიებთ იმ გარემოებას, რომ მონღოლთა შემოსევას და მათ გაბატონებას საქართველოში დიდი გამოძახილი ჰქონდა, ძნელი წარმოსადგენია; რომ „ვეფხისტყაოსნის“ ავტორი ცხოვრებულიყო მონღოლების შემოსევისას, ან მის შემდგომ და არავითარი გავლენა არ მოეხდინა მის შეხედულებაზე მონღოლების სამხედრო ხელოვნებას. უფრო სწორია ვიფიქროთ, რომ „ვეფხისტყაოსნის“ ავტორი ცხოვრობდა მონღოლების შემოსევამდე საქართველოში და მის მიერ აწერილი სამხედრო ხელოვნება ეკუთვნის მონღოლების შემოსევის წინა ხანას.

2. სამხედრო ხელოვნება, რომელიც აწერილია „ვეფხისტყაოსანში“, გარკვევით განსხვავდება საქართველოს

მეზობელ აღმოსავლეთ ერების, ირანელებისა და არაბების სამხედრო ხელოვნებისაგან:

ირანელებისა და არაბების, როგორც მონღოლების და საერთოდ აღმოსავლეთის ერების სამხედრო ხელოვნებისათვის დამახასიათებელია სასროლი იარაღით ბრძოლა. „ხრმალი და მოკლე შუბი გამოიყენებოდა (ირანელების მიერ) მხოლოდ როგორც შეორებარისხოვანი იარაღი“.<sup>5)</sup>.

იმავე ავტორის აზრით ირანელების მთავარი იარაღი ისარი იყო. მართალია, ჰანს დელბრიუკი თავის გამოკვლევაში ემყარება ცნობებს, რომელნიც ამოკრეფილია ესქილის დრამატულ ნაწარმოებიდან „სპარსელები“ და ეს ცნობები უძველეს ხანას ეკუთვნის, მაგრამ საკმარისია გავიხსენოთ ირანელ მე-10 საუკუნის მწერლის ფირდოუსის ნაწარმოები, „შაჰ-ნამე“ და დავრწმუნდებით, რომ ირანელების სამხედრო ხელოვნებას საშუალო საუკუნოებშიაც ისარი ახასიათებდა. ჯერ ერთი, არ არის „შაჰ-ნამე“-ში აწერილი ბრძოლა, რომ მშვილდ-ისარი მოხსენებული არ იყოს. ამის გარდა, ისარს „შაჰ-ნამე“-ს ავტორი მოიხსენებს, როგორც მებრძოლის მთავარ იარაღს, ამ დებულების დასამტკიცებლად „შაჰ-ნამეს“ მკითხველი ბევრს საბუთს იპოვნის; მოვიყვანთ რამდენიმეს:

„მე გავსცემ როსტომს ჰასუხსა, ესე დღე მენატრებოდა, ისრითა უზამ ჰასუხსა“ . . . (3656).

„ჰკრა მკერდსა არყის ისარი, აშქაფუშ გარდახდებისა, გარე შეიქცა, მობრუნდა, როსტომ მათისა ნებისა; თურქთა წაილეს ისარი, სისრულე ეკვირვებისა, შუბისა ტარსა უფროა, ამას ვინ დაუდგებისა“ (3589).

„ჰკრა ისარი მუზარადსა, სისხლთა რევიზ ტვინი ნახა,

<sup>5)</sup> Г. Дельбрюк — „История военного искусства в рамках политической истории. „Госиздат“ Москва, 1936 г. т. I. გვ. 74.

ტუსის თვალთა დაუბნელდა, ცრემლიანმა ივაგლაზა  
(3381).

„მისის მშვილდით შეტყორცნილსა ისართანა ქვანი-  
ლბოდეს“ (3358) <sup>6)</sup>.  
და სხვა.

ესევე ითქმის არაბების სამხედრო ხელოვნების შესა-  
ხებ: „მთავარი განსხვავება, სწერს დელბრიუკი არაბების  
შესახებ, დასავლეთისაგან გამოიხატებოდა იმაში, რომ  
მათში უფრო გახშირებული იყო მშვილდი და ისრის  
ხმარება“ <sup>7)</sup>.

ჩვენ კი ვიცით, რომ „ვეფხისტყაოსანში“ აწერილ  
სამხედრო ხელოვნებისათვის დამახასიათებელია შუბით  
და უმთავრესად ხმლით ბრძოლა. თუმცა უნდა ითქვას,  
რომ ორგორც სჩანს, „ვეფხისტყაოსნის“ ავტორი იცნობს  
არაბთა სამხედრო ხელოვნებას, ან, უკეთ ვსთქვათ,  
„ვეფხისტყაოსანში“ არის ორი ადგილი, რომელიც  
ცხადჰყოფს არაბების სამხედრო ხელოვნების, თუმცა ცო-  
ტაოდენ, მაგრამ მაინც გარკვეულ გავლენას.

ა) ერთ ადგილას ტარიელი უამბობს ავთანდილს მო-  
წინააღმდეგე მებრძოლების შესახებ „ქვითა დავლეწეთ  
წვივებიო“, თუმცა ავტორი იარალის შესახებ არათერს ამ-  
ბობს, მაგრამ ჩვენ ერთი არაბული ნაწარმოებიდან ვიცით,  
რომ არაბთა მებრძოლნი ჩვეულებრივ ცხენზე მარჯვნივ  
და მარცხნივ ხურჯინის ზეალში 30 ქვას ატარებდნენ<sup>8)</sup>),  
უეჭველია, მოწინააღმდეგის წვივების დასალეწად.

უნდა ვიგულისხმოთ, რომ ტარიელს და მის თანამე-  
ბრძოლთაც ცხენებზე თან პქონდათ იმავე მიზნით ქვები

<sup>6)</sup> ფირდოსი, „შაჰ-ნამე“, გამოცემა სახელმწიფო უნივერსიტე-  
ტისა, ქ. ტფილისი, 1934 წ.

<sup>7)</sup> Г. Девъбрюк— „История военного искусства в рамках  
политической истории“, т. III, 83. 119.

<sup>8)</sup> იქვე.

და ბრძოლაში გამოიყენეს იგი. წინააღმდეგ შემთხვევაში გაუგებარია, როგორ დალენტეს წვივები.

ბ) არაბთა ტაქტიკოსები ამბობდნენ: „წინასწარმეტყველს სალამოთი უყვარს გამარჯვებაო“. ეს იყო დედა-აზრი მათი ბრძოლის წარმოების წესისა. არაბები ბრძოლის კრიზისს სალამომდე მიიყვანდნენ ხოლმე და ამ მომენტისათვის მათ ჰყავდათ ჯარის ცალკე წყება, რომელსაც უწოდებდნენ „რისხვის სალამოს“. ეს წყება მხოლოდ ბრძოლის დამთავრებისას, სალამოს ჟამს ეკვეთებოდა მტერს, რისხვასავით ეცემოდა მას და ამარცხებდა.

ტარიელი ასე ასწერს ხატაელებთან ბრძოლის დამთავრებას:

„სალამოს ჟამს დაიზახნა ქედით მათმან დარაჯამან: ნულარა სდგათ, წავედითო, კვლა მოგვხედნა რისხვით ცამან,

მოვა მტვერი საშინელი, შეგვაშინა ამაღ ამან. ნუთუ სრულად ამოგვწყვიტნეს უთვალავმან, ბევრმან სპამან“ (491).

მართლაც, ამ წყებამ რისხვა დასკა მტერს და გამარჯვება მიანიჭა ტარიელს.

უეჭველია, ეს ორივე ადგილი არაბთა სამხედრო ხელოვნების ანარეკლია.

3. „ვეფხისტყაოსნის“ ავტორის მიერ აწერილ სამხედრო ხელოვნებას ძალიან ბევრი რამ აქვს: საერთო ბიზანტიის სამხედრო ხელოვნებასთან.

„ვეფხისტყაოსნის“ მიხედვით ჯარი ეწყობა და უეჭველია, იკრიბება კიდეც „თემ-თემად“. ბიზანტიაშიც იკრიბება და ეწყობა „თემ-თემად“. „ვეფხისტყაოსნის“ მიხედვით მებრძოლის შეიარაღების მთავარი საგნებია: „ჯაჭვი, ხრმალი, მუზარადი, საბარკული“. ბიზანტიაშიაც ამგვარი იარაღია. ერთი დამახასიათებელი წვრილმანი შეიარაღებისა: აღმოსავლეთის ერების მებრძოლთ მუზა-

რადი პირახდილი ჰქონდათ; სხვანაირად არც შეიძლებოდა, რადგანაც დახურული მუზარადი ზღუდავს მხედველობას. შეზღუდულ მხედველობით კი მეტად ძნელია მშვილდისრის გამოყენება. ხმლით მოქმედებისათვის შეზღუდული თვალთახედვაც საკმარისია. სამაგიეროდ პირდათარული მუზარადი ითარავს პირისახეს. მტრის იარალისაგან. ბიზანტიილების მეტრძოლთა მუზარადი პირდათარული იყო. ასეთსავე მუზარადს ატარებენ „ვეფხისტყაოსნის“ გმირები; ავტორი ერთ ადგილის ტარიელსა და ავთანდილის შესახებ ამბობს: „**დაეპურა ზარალები, პირსა მათსა უფარვიდა**“, „**ვეფხისტყაოსნის**“ მიხედვით ჯარი უმთავრესად ცხენოსნებისაგან შესდგება, ქვეითა ჯარს თითქმის არ იხსენიებს ავტორი. ბიზანტიაშიაც ჯარის მთავარი ნაწილი ცხენოსნები იყვნენ. საკმარისია მოვიყვანოთ ნიკითორ ფოკას მოწმობა: „**სარდალს, როდესაც ხუთი ან ექვსი ათასი მძიმედ შეიარალებული ცხენოსანი ჰყავს და ღმერთი შველის, მეტი არაფერი არ ესაჭიროება**“. დაბოლოს, რაც უმთავრესია, ბიზანტიის სამხედრო ხელოვნებისათვის დამახასიათებელია მკვეთრი იარალით (ხმალი). ბრძოლის წარმოება; როგორც დავინახეთ, „**ვეფხისტყაოსანში**“ აწერილ სამხედრო ხელოვნებისათვისაც დამახასიათებელია მკვეთრი იარალით ბრძოლა. ჩვენის აზრით, მოყვანილი ფაქტები საკმარისია წამოყენებული დებულების დასამტკიცებლად, სხვას რომ არ გამოვუდგეთ.

4. ზემოთმოყვანილი საბუთების მიხედვით ჩვენ შევიძლიან გამოვთქვათ საერთო მოსაზრება, რომ სამხედრო ხელოვნება, რომელიც აწერილია „**ვეფხისტყაოსანში**“, ეკუთვნის იმ ხანას, როდესაც საქართველოში ჯერ მონლოლების გავლენა არ იყო, აღმოიფხვრა, სამხედრო ხელოვნებაში მაინც, ირანის გავლენა, საგრძნობლად შე-

სუსტლა გავლენა არაბებისა და ფეხი მოგვიდა ბიზანტიის გავლენამ ან, უკეთ ვსოჭვათ; ბიზანტიის და საქართველოს კულტურას ბევრი რამ საერთო ჰქონდათ.

5. იარაღის სახეობა, ვასალიტეტის სისტემა, რომელიც ცხადად სჩანს სამხედრო ორგანიზაციაში, რაინდობა — ყმობის და ქალის კულტი, ყველა ეს უტყუარი ნიშანია საშუალო საუკუნეების ევროპული ტიპის ფეოდალური ხანის რაინდობისა. მაგრამ ჩვენ კარგად ვიცით, რომ ფეოდალური ხანის სამხედრო ხელოვნება ფრიად დაბალ საფეხურზე იდგა. ფრანც მერინგი<sup>9</sup>) ფეოდალური ხანის ბრძოლების შესახებ სწერს: იმ დროს „სახელოვანი ომებიც კი უბრალო ჭიდილი იყო და ცოდვაც კა იმაზე ლაპარაკი, რომ ისინი ცოტათი მაინც სამხედრო ხელოვნებას გამოხატავდნენ“. „ვეფხისტყაოსნის“ ავტორი კი აგვიწერს ისეთ ხერხებს, რომლებიც იმდროინდელ სამხედრო ხელოვნებას მაღალ საფეხურზე აყენებს. მართლაც ბრძოლის წინ მტრის დაზვერვა, ბრძოლის დროს ფრთების შემოვლა, ისიც წინასწარ შემუშავებული წესით და ჩასაფრება, მეთვალყურე დარაჯის გამოყოფა, უეჭველია, ფრთების და ზურგის დაცვის მიზნით, რაზმების განსაზღვრული წესით დაწყობა, რომელნიც „წყნარად სდგეს და აუშლელად“, ჯარის მართველობის წესი და მტკიცებისციპლინა, დაბოლოს საუცხოო ხერხი ციხის აღებისა — ყველაფერ ამის შედარება-შეფარდება ევროპის ფეოდალური ხანის რაინდების შეხლა-ჭიდილთან მართლაც რომ ცოდვაა. ცხადია, იმდროინდელი სამხედრო ხელოვნება გამომხატველია უფრო მაღალი კულტურისა, ვიდრე ფეოდალური ხანის კულტურა, მაგრამ ამ საკითხს ცალკე გამოკვლევა ესაჭიროება.

<sup>9</sup> Фр. Меринг — „Очерки по истории воинства и военного искусства“, гл. 70.

3256.

Зап 75 853.

647/240



ЛЕВАН ГАРСИАШВИЛИ

„ВИТЯЗЬ В БАРСОВОЙ ШКУРЕ“

Материалы по истории военного искусства

Грузия 1937 Тбилиси